



---

**SEKTOR ZA CARINE**

03/1 Broj:18-35-838/06

Datum: 25.09.2006.godine

**UPRAVA ZA INDIREKTNO OPOREZIVANJE BiH  
REGIONALNI CENTAR  
SARAJEVO  
BANJA LUKA  
MOSTAR  
TUZLA  
-Odsjek za carine-**

**PREDMET: Obavijest o izmjenama u postupku upravljanja tarifnim kvotama,  
dostavlja se - HITNO**

Kao što vam je poznato u „Službenom glasniku Bosne i Hercegovine“, broj: 74/06, objavljeno je Uputstvo o postupku stavljanja robe u slobodan promet na račun njene krajnje upotrebe, koje se odnosi i na postupak tarifnih kvota, a stupa na snagu 26.09.2006.godine.

Shodno odredbama člana 4. stav 2. Uputstva propisano je da se zahtjev za izdavanje odobrenja za postupak krajnje upotrebe (na obrascu iz Priloga 43. Odluke o provedbenim propisima Zakona o carinskoj politici BiH), taksiran propisanom administrativnom taksom podnosi regionalnom centru nadležnom prema mjestu sjedišta podnosioca zahtjeva. Odobrenje za postupak krajnje upotrebe, po zahtjevu iz člana 4. ovog uputstva, izdaje nadležni regionalni centar, shodno članu 6. Uputstva.

Shodno odredbama člana 5. Uputstva propisano je da se, u izuzetnim slučajevima, zahtjev za postupak krajnje upotrebe može podnositi i putem carinske prijave. U tom slučaju prihvatanje carinske prijave smatra se odobrenjem za postupak krajnje upotrebe.

Odsjek za carine-Grupa za procedure u nadležnom regionalnom centru, stupanjem na snagu ovog uputstva, nadležna je za izdavanje odobrenja u ovom carinskom postupku.

Odsjek za tarifu i vrijednost, do daljnjeg, bit će zadužen za vođenje centralne evidencije stanja raspoložive i iskorištene količine tarifne kvote, shodno odredbama člana 208. i 209. Odluke o provedbenim propisima Zakona o carinskoj politici BiH ("Službeni glasnik BiH", broj 63/04).

Obzirom da se dodjela tarifnog kontigenta koristi prema hronološkom redosljedu datuma carinskih prijava, neophodno je da prijemni carinski ured, odmah, po prijemu carinske prijave vezane za carinski postupak tarifnih kvota, putem telefona 051 335 241 provjeri stanje raspoloživog bilansa tarifne kvote za koju se traži odobrenje, te navedenom Odsjeku putem faksa na broj 051 335-341 dostavi predmetnu carinsku prijavu. Službenik Odsjeka će na predmetnu carinsku prijavu upisati stanje raspoložive količine tarifne kvote (ne uzimajući u obzir količinu koja se zahtijeva - polje 38.), datum, vrijeme i potpis.

Tako obrađenu carinsku prijavu službenik Odsjeka će putem faksa vratiti prijemnom carinskom uredu.

Dužnost carinske ispostave kod koje se podnosi carinska prijava za puštanje robe u slobodan promet-krajnja upotreba (tarifne kvote) je da prije stavljanja robe u slobodan promet provjeri ispunjenost svih uslova za korištenje tarifnih kvota, koje su propisane Tarifnim aneksom-tarifne kvote važeće Carinske tarife ("Službeni glasnik BiH", broj 91/05), Odlukom o utvrđivanju omjera za otkup domaće primarne proizvodnje za koje se veže korištenje tarifnih kvota ("Službeni glasnik BiH", broj 92/05 i 62/06), Odlukom o provedbenim propisima Zakona o carinskoj politici BiH i Uputstvom o postupku stavljanja robe u slobodan promet na račun njene krajnje upotrebe.

Napominjemo da ne znači da će imaoocu odobrenja biti dodijeljena tarifna kvota zahtijevana podnesenom carinskom prijavom ako ne postoji raspoloživi bilans iste na dan podnošenja predmetne carinske prijave, jer se dodjela vrši prema hronološkom redoslijedu datuma carinskih prijava.

Sa ovom obavijesti je neophodno da, odmah, upoznate na adekvatan način vaše organizacione jedinice i sve ostale učesnike u carinskom postupku-slobodan promet sa krajnjom upotrebom (tarifne kvote), u cilju postupanja na propisan način po važećim propisima.

Dostaviti:

- naslovu
- 01/1
- 01/2
- 01/3
- 01/4
- 03
- 03/1
- 03/2
- 03/3
- 05
- a/a

**POMOĆNIK DIREKTORA**

**BOGDAN NOVAKOVIĆ**